



COMUNE DE BIDDANO A MONTELEONE

Provìntzia de Tàtari

Carrera Nazionale n. 106

Tel. 079/960406-960044 – Fax 079/960736

Ordinàntzias de su Sìndigu

N. 37 de su 08.12.2020

OGETU: CUNTRASTU E CUNTENIMENTU A S'ISPARGHIDURA DE SU VIRUS COVID-19. ORDINÀNTZIA CONTINGÌBILE E URGENTE – ULTERIORE PRÒROGA ORDINÀNTZIA N. 31/2020 DE SERRADA DE TOTU SAS ISCOLAS DE OGNI ÒRDINE E GRADU DE BIDDANO A MONTELEONE

SU SÌNDIGU

Bida sa lege 23 de nadale de su 1978, n. 833 chi cuntenit « Istituzione de su servìtziu sanitàriu natzionale » e in particolare s'art. 32 chi disponet «*Su Ministru de sa sanidade podet emìtere ordinàntzias de caràtere contingibile e urgente, in matèria de igiene e sanidade pùblica e de polìtzia veterinària, cun eficàtzia illargada a totu su territòriu natzionale o a parte de issu chi cumprendet prus regiones* », e puru « *in sas matessis matèrias sunt emìtidas dae su Presidente de sa giunta regionale e dae su Sìndigu ordinàntzias de caràtere contingibile e urgente, cun eficàtzia illargada a manera rispetiva a sa regione o a parte de su territòriu suo chi cumprendet prus comunes e a su territòriu comunale* »;

Bida sa declaratzione de s'Organizatzione mundiale de sa sanidade de su 30 de ghenàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevàntzia internatzionale;

Bida sa delìbera de su Consìgiu de sos Ministros de su 31 de ghenàrgiu de su 2020 chi cuntenit « *Declaratzione de s'istadu de emergèntzia in cunsighèntzia de s'arriscu sanitàriu cunnessu a su nàschere de patologias chi deerivant dae agentes virales trsmisibiles* »;

Bida sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae covid-19 est istada valudata comente « *pandemia* » in cunsideratzione de sos livellos de isparghidura e gravidade seguidados a livellu globale;

Bidu su decretu lege 30 de trìulas de su 2020, n. 83 « *Mesuras urgentes cunnessas cun s'iscadèntzia de sa declaratzione de emergèntzia epidemiològica dae COVID-19 deliberada su 31 de ghenàrgiu de su 2020 cun sa cale si disponet sa pròroga de s'istadu de emergèntzia a su 15 de santugaine 2020* »;

Bidu su decretu-lege 7 de santugaine de su 2020, n. 125, chi cuntenit « *Mesuras urgentes cunnessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighidura operativa de su sistema de allerta COVID, e puru pro s'atuatzione de sa diretiva (UE) 2020/739 de su 3 de làmpadas de su 2020* », cun sa cale si disponet intre sas àteras cosas sa pròroga de s'istadu de emergèntzia a su 31 de ghenàrgiu de su 2021;

Bidu su decretu-lege 7 de santugaine de su 2020, n. 125, chi cuntenit « *Mesuras urgentes cunnessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighidura operativa de su sistema de allerta COVID, e puru pro s'atuatzione de sa diretiva (UE) 2020/739 de su 3 de làmpadas de su 2020* », cun sa cale, in sede de mudadura in lege 159 de su 27.11.2020, est istada disposta sa pròroga de s'istadu de emergèntzia a su 30 de abriale de su 2021;

Leadu atu, in particolare, de s'isvilupu de sa situatzione epidemiològica chi mustrat una situatzione de isparghidura de su virus in su territòriu Comunale, gasi de evidenziare s'arriscu de una bera e pròpia emergèntzia chi imponet sa netzessidade e s'urgèntzia de interbènnere a tutela de su diritu a sa salute de sas pessones;

Dadu in prus atu de sas comunicatziones àpidas cun sa Dirigente de s'Istitutu Cumprensivu Istatale de Biddanoa Monteleone;

Torrada a cramare s'ordinàntzia pretzedente pròpia n. 31 de su 13.11.2020, cun sa cale est istada disposta sa serrada de totu sas iscolas presentes in su territòriu comunale, cumpresu su Servìtziu Prima Infàntzia Micronidu, dae su 16.11.2020 e finas a su 22.11.2020, iscadèntzia, dae ùrtimu, prorogada a su 08.12.2020 cun s'Ordinàntzia n. 36/2020;

Leadu atu chi in data 07.12.202, cun iniziativa de s'Amministratzione Comunale sunt istrado sutapostos a unu *screening*, pro mèdiu de tampone nare-gula de tipu antigènicu ràpidu, 152 istudiantes de s'iscola primària e segundària de 1[^] gradu, de su plessu de Biddanoa Monteleone Istitutu cumprensivu Istatale "E. Arborea", de sos cales ebbia unu est resurtadu positivu;

Aprezziadu pro cussu, de cunsentire in siguresa, de torrare a cumintzare s'atividade didàtica e chi, pro permitere s'organizatzione de su servìtziu mensa e de su servìtziu trasportu istudiantes, chi benint dae pos comunes de Potuvigàri, Romana e Monteleone, de dispoènnere una pròroga ulteriore de s'Ordinàntzia n. 31/2020, ebbia pro sa die de su 09.12.2020;

Bidu s'art. 18 de su D.L. n. 76/2000, mudadu in Lege n. 120/2020 chi, abroghende s'art. 3 comma 2 de su D.L. n. 19/2020, at fatu bènnere mancu sos limites a sos cales fiat sutapostu su podere de ordinàntzia de su sindigu in sas fases detzisivas de su contrastu a s'isparghidura de s'epidemia in cursu.

Bidas sas tzirculares de su Ministèriu de sa Salute:

- N. 17167 de su 21.08.2020,
- N. 30847 de su 24.09.2020;
- N. 32850 de su 12.10.2020;

Bidu su DPCM de su 25.10.2020 e in particolare s'allegadu 21;

Bidu su DPCM de su 03.11.2020 e in particolare s'allegadu 21;

Bidu su DPCM de su 03.12.2020 e in particolare s'Allegadu 21;

Bidu s'art. 50 de su D.Lgs 267/2000 e mm.ii.ii.;

ÒRDINAT

Pro sas motivatziones indicadas in premissa e inoghe torradas a cramare de su totu, s'Ordinàntzia de su Sindigu n. 31 de su 13.11.2020 est prorogada finas a su 09.12.2020. pro cussu in tale die ant a èssere serradas totu sas iscolas presentes in su territòriu comunale, cumpresu su Servìtziu Prima Infàntzia Micronidu, cunsentende ebbia a su personale s'atzessu a sos ufizios de diretzione, de segreteria e a sos locales de s'iscola.

Est fatu òbligu a chie si siat tochet de osservare e fàghere rispettare s'ordinàntzia presente.

Sos ufitziales e sos agentes de sa fortza pùblica sunt incarrigados de fàghere osservare sas dispositziones cuntènnidas in s'ordinàntzia presente.

In casu de no ubidièntzia a s'Ordinàntzia presente at a sighire s'aplicatzione de sas santziones amministrativas dispostas dae s'art. 4 de su D.L. n. 19/2020, mudadu in sa Lege n. 35/2020, puru in cumbinadu dispostu cun s'art. 2 de su D.L. 33/2020, mudadu in sa Lege n. 74/2020.

Contra a s'ordinàntzia presente est ammitidu ricursu a su TAR Sardigna intro de 60 dies dae sa publicatzione, o in bia alternativa ricursu istraordinàriu a su Capu de s'Istadu intro de 120 dies dae sa publicatzione de sa matessi.

AVERTET CHI

Su provedimentu presente at a èssere suscetibile de modificas e integrazziones in base a sas netzessidades arrivadas e problemàticas rilevadas.

Francu chi su fatu constituat reatu prus grae, firmu a cantu prevididu dae s'art. 650 c.p., chie si siat non respetet sas prescritziones impostas dae s'Ordinàntzia presente de su sindigu, est, in prus, sugetu, a sa santzione amministrativa istabilida ex art. 7 bis de su T.U.E.L. dae 25 a 500 èuros.

DISPONET

Sa publicatzione de s'ordinàntzia presente in s'Albu Pretòriu on line de su Comune, e puru in su situ web istituzionale de su Comune.

Su Sindigu
Dot. Vincenzo Ligios

Traduzione de s'operadora de s'isportellu linguisticu de Monteleone
Maria Leonarda Correddu